

南巡盛典

閱武

卷八十五卷八十六

784
F
1179
93





南巡盛典

閱武

臣聞有文事者必有武備衛國安民之道莫
 要於此也易之師曰容民畜衆既濟曰思患
 而豫防之是以黃帝教陣法風后制圖經當
 海宇清和之日而訓練之方撫循之術寧一
 日忽乎哉

皇上廣運聖神仁育義正金川伊犁回部以次耆
 定拓地二萬餘里



恩覃海表威愴天方誠生民未有之豐功駿烈矣
而六幕之內耕鑿宴如不知鉦鼓饒鐃爲何
事內地如江浙之間益復優游

太平樂其樂而利其利自古兵民鮮若斯之相安
不相耀也惟

聖人保泰爲心習勞有

訓慮文恬武嬉之習或中於宴安爰是春蒐之制
特以春省而兼行

車駕四幸南邦而重鎮之地備蒙

親臨簡閱指示樞鈐布握機之圖壯風雲之氣陸

營水師益深諳夫步伐止齊奇正互生之妙

視周禮大司馬以旗致民倍縝密焉昔軒皇

陣法天知神略莫能窺其闔闔亦無以逾此

仁爲本義爲治矣且

聖天子軫恤頻仍

賚予優渥則喜氣溢於軍容

耿光凝於衆志豈僅士飽馬騰所能彷彿歟夫以
百年不用者安之仍以一日不可不備者教

之俾有勇知方與尊

君親

上之忱並切斯則

乘六御天所以鞏丕基於萬年有慶也謹錄

閱武第九為卷四

南巡盛典卷八十五

閱武

乾隆二十二年二月二十七日內閣奉

上諭今日朕至杭州省城其接駕之綠營兵丁有奏簫管細樂者夫身隸行伍當以騎射勇力為重戍樓鼓角不過用肅軍容即古者饒歌鼓吹之詞亦以鳴其得勝之氣耳若吹竹彈絲技近優伶豈挽強引重之夫所宜相效此等綠營陋習各省均所不免可傳諭各該督撫提鎮等轉

南巡盛典 卷八十五
一
飭所屬標營嗣後營伍中但許用鉦鼓銅角其
簫管細樂概行禁之欽此

乾隆二十六年十一月十七日奉

上諭烏米泰等奏請明歲南巡伊等揀選江寧京
口官兵沿河安設臺站等語朕巡幸南省所有
京城隨從官兵足敷當差至上船時於官兵內
尚且酌量存留伊等縱遠接亦無用處明歲所
有江寧京口兵丁不必迎至宿遷亦不必安設
臺站預備差使欽此

總理行營王大臣和碩莊親王臣允祿等謹
 奏為遵

旨議奏事據江寧將軍保德等奏稱明春

聖駕南巡請帶領本處官兵前至宿遷地方接

駕等因一摺奉

硃批該王大臣等議奏欽此臣等議得將軍

保德等奏稱辛未年

皇上南巡臣等駐防地方老少俱得瞻仰

聖顏不勝欣悅而官兵各得隨

聖主支更當差無不踴躍臣等查得康熙年間將軍副都統等帶領官兵在宿遷地方接

駕明春

聖主南巡臣保德祁爾丹富昌等帶領官兵六百名前至宿遷地方接

駕所帶之官兵日則隨

駕當差夜則支更等語查得明春

聖駕南巡京城派出隨

駕官兵俱係酌量派定差使裕如

駕至宿遷地方必由舟行兩岸路窄隨從當差無關緊要之人等尚且存住若以該將軍所請帶領官兵六百名接

駕人數過多沿途行走一切地方必至擁阻似母

庸若許人等但該處官兵聞

聖主親臨公同欣躍各願舒電勉當差接

駕之誠若不令前來則該處官兵幸際

聖駕親臨南巡而不得電勉盡力殊屬不安臣等

酌議交與將軍將江寧駐防官兵內挑取二

百名前至宿遷地方接

駕沿途照木蘭學習行圍人等之例交與護軍統領等日則與護軍人等一同當差夜則支更至將軍副都統等若俱前來接

駕則省城內存下官兵尚多不可無大員管束况聖駕至江寧省時副都統等亦得瞻仰聖顏所有宿遷接

駕之處應止令該將軍保德帶領官兵前來其副都統祁爾丹富昌等不必前來在該處等候

俟

命下之日行文該將軍等欽遵可也爲此謹

奏請

旨乾隆十五年五月初六日奉

旨依議欽此

大學士公臣傅恒等謹

奏爲遵

旨議奏事鎮海將軍趙宏恩等奏覆預備明春安
臺隨扈兵丁一摺奉

硃批原議大臣議奏欽此據稱臣等請派旗兵隨
護一事接准軍機處來文議以每臺派撥四
十名未免過多令會同總督黃廷桂妥商定
議并江寧杭州俱有駐防其應如何預備派
撥之處行令會同一體遵照辦理等因臣等

仰體

皇仁愛恤員弁兵丁之至意查照舊案叅以現在情形往返籌畫詳細議商因爲酌減派撥鎮江兵丁自清江浦起至瓜洲止分設十臺江寧兵丁自鎮江起至平望止分設十臺各臺派官一員兵二十名各十臺派協領二員以爲各臺統轄再自鎮江至江寧向未設臺今復擬江寧派兵十名鎮江派兵十名派官一員在於龍潭安設一臺則水陸兼有隨護至

浙江總督將軍路隔遙遠業已咨商該督等自另摺具奏其安臺地方另行委員勘定安設庶章程畫一而護衛得宜等語查本年三月內鎮海將軍趙宏恩等奏明春

皇上南巡所有沿途一帶應於駐防弁兵內派撥護送自清江浦至鎮江分作十臺每臺撥兵四十名等因經_臣等議以安臺派撥四十名未免過多或酌派三十名或十數名沿途護送亦屬可行應令該將軍會同總督黃廷桂

妥商定議再江寧杭州俱有駐防辦理自宜
畫一亦行令該督等會同該省將軍都統一
體妥商等因行文在案今據奏稱詳細議商
量爲減撥鎮江兵丁自清江浦至瓜洲分設
十臺江寧兵丁自鎮江至平望分設十臺各
臺派官一員兵二十名派協領二員以爲統
轄自鎮江至江寧派江寧兵十名鎮江兵十
名各官一員在於龍潭安設一臺至浙江總
督將軍業已咨商該督等自另摺具奏其安
臺地方另行委員勘定等語查沿途護送惟
期人數足敷差遣可以不必過多是以_臣等
原議將派撥四十名之處令會同總督黃廷
桂等妥議今據奏安臺派官一員兵二十名
已較原奏量爲裁減自清江浦至瓜洲十臺
則派撥鎮江駐防自鎮江至平望十臺則派
撥江寧駐防辦理亦已畫一但所奏安臺派
兵二十名猶覺過多酌派十名已敷沿途防
護差遣應令該將軍等預爲派撥以備明春

臨期護送所派兵弁必悉心選擇務得賢能
強壯之人足供使令者方爲妥協其安臺地
方亦應飭委幹員詳加勘定總期前後適中
庶聯絡照應一切不致貽悞至杭州駐防應
如何預備派撥之處亦無庸俟該省總督將
軍另行摺奏應俟_臣等此奏

命下之日行文知會仿照江省之例酌量辦理可
也謹

奏乾隆十五年七月十二日奉
旨依議欽此

兩江總督臣黃廷桂江寧將軍臣保德謹
奏爲奏

聞事竊照江寧省城駐防滿漢兵丁明春恭逢
聖駕臨幸應備
大閱但查滿兵雖有四千除循例輪派水操兵一
千名之外實兵止有三千名而營汛遼濶堆
卡繁多兼之臨時各項差務所餘無多又督
標兩營及城守兩營額兵止共二千餘名除
去親丁公費並分防差務之外餘兵更屬有

限若滿漢各自分操備

閱為數既少隊伍不密似不足以壯軍威而肅觀

瞻臣等公同商酌仿照直隸保定府滿漢合

操之例預備滿兵一千五百名漢兵一千五

百名會合操練祇候

皇上臨閱以整部伍以壯軍容所有滿漢合操緣

由理合會摺恭

奏伏祈

皇上睿鑒謹

奏乾隆十五年十二月十三日奉

硃批知道了欽此

(Faint bleed-through text from the reverse side of the page)

兩江總督 臣 黃廷桂 謹

奏為奏

聞事恭照明春登山

鑾輿南巡所有江寧鎮江蘇州等處應行預備官

兵祇候

大閱除江省滿漢合操緣由 臣 另摺恭

奏外其鎮江駐防旗兵與將軍標營漢兵均應

在教場預備又將軍所管水師標兵應在江

面預備惟蘇州撫標額兵僅止五百餘名除

親丁公費并差防之外餘兵甚少不足備

閱查鄧尉山下前傍太湖此地水勢不深溜亦平
恬帆檣易施合操水陣較之京口大江中流
上下往來不免濡滯者似覺捷便可觀

臣謹

量調蘇松鎮標及太湖營船隻於鄧尉山下

操船預備恭候

皇上駕臨鄧尉登山

閱視合并恭

奏伏祈

皇上睿鑒謹

奏乾隆十五年十二月十三日奉

硃批覽欽此

奏真劉士正平十二日十三日奉

兩江總督臣黃廷桂謹

奏為奏

聞事恭照明春

翠華南巡大小臣工歡欣踴躍羣思跪迓

鑾輿瞻仰

天顏其蘇松水師鎮臣王澄係武職大員理應隨

臣叩接

聖駕但查鎮屬高家嘴汛地係內外大洋通連要

隘高家嘴之內又有呂泗一汛係江海交接

之區風帆便利自高家嘴兩日可達鎮江所以每歲立春以後定有鎮臣帶領弁兵巡緝洋面之例我

朝德威遠播數十年來久已海不揚波惟是春初

御輅臨幸_臣等身任地方不敢不加意慎重_臣謹

擬令該鎮於正月初旬遵照往例即赴高家嘴一帶外洋率領將弁加意巡防其呂泗係狼山鎮標右營所轄即調該管將領帶兵駐

守仍交狼鎮一體督察恭候

聖駕將臨京口令鎮臣王澄先期由水路前來祇候迎

鑾其高家嘴洋面飭令在彼將弁梭織巡遊毋許

大疎懈在鎮臣既可遂其瞻

天仰

聖之誠而海洋重地得有大員督巡似更嚴密所

有鎮臣王澄飭令明春督巡洋面不能隨_臣

接

駕緣由合先繕摺恭

奏再查京口焦山之下僻處江心懸隔江岸

臣

更將海船弁兵量調三十隻周圍屯劄以肅
警蹕至各處支河港汊并

大營防護外衛以及沿途站道官兵

臣

咨行提

臣武進陞率同狼山鎮臣魏文舉壽春鎮臣
常岱管領約束合并

奏明伏祈

皇上睿鑒謹

奏乾隆十五年十二月十三日奉

硃批甚好知道了欽此

閩浙總督 臣 喀爾吉善謹

奏為奏明請

旨事竊 臣 於乾隆十四年冬間入覲

天顏荷蒙

皇上詢及南巡事宜經 臣 將閱看水操必須在乍

浦西山炮臺地甚淺窄風汛亦須守候據實

具奏面奉

諭旨乍浦朕不必前往閱看臨時或遣王子或差

大臣往看彼處不必預備欽此欽遵在案 臣 於

上年秋間到浙與提臣譚行義酌定於沿海水師各營內按額設戰船兵數之多寡每營調撥一二隻不等配足官兵器械派委隣近之定海鎮總兵官陳鳴夏預期統領前赴乍浦洋面伺候會同乍浦滿營水師兵合操陣勢第_臣伏查操演舟師全藉風力在內洋更須候風汛地勢相合方可開篷出碇布列陣勢如遇無風之期固不能操演而乍浦係向南洋面遇南風直抵山脚石礁遇北風颺出外洋俱不便操演惟東南西南諸風汛方可開操閱操大臣赴乍浦須等候風汛與洋面相合然後開操不能一到卽閱如俟

聖駕抵省後奏請

欽點大臣前往恐有稽程限_臣查乍浦卽在嘉興

府屬平湖縣境自嘉興郡至乍浦路僅一百三四十里又支河一水可通_臣先期已飭地方官預備小船乘坐前往相應具摺奏請

特派大臣赴乍浦閱看水操事竣仍由水路至嘉

興府回至省城復

命至乍浦滿營水師將軍臣薩爾哈岱有統轄之

責理應隨同

欽差前往閱操第恭逢

聖駕臨幸省城將軍應在省伺候

皇上親閱陸路操演並董率官兵辦理省城差使

未便前往乍浦其乍浦副都統臣額爾登現

今奉

旨令跟隨護軍統領沿途一體辦差乍浦滿營水

師係伊管轄兵丁應請令額爾登即從嘉興

跟隨

欽差大臣赴乍浦閱操事竣仍赴省恭候

差遣合并陳明為此恭摺具奏伏乞

聖鑒訓示請

旨謹

奏乾隆十六年二月二十七日奉

旨著納延泰去欽此

臣等查得去年
大學士公臣傅恒等謹
奏查得去年
皇上豫省閱兵時曾賞演陣之巡撫大緞三疋總
兵官城守尉等大緞各一疋八絲緞各一疋
叅將佐領等八絲緞各一疋都司守備防禦
等金獎武牌各一百千總把總等銀獎武牌
各一百面驍騎校滿洲兵一月餉銀綠旗兵銀
獎武牌各一百面此次浙省演陣大臣官員兵
丁賞賜之處遵

丁賞賜之處遵

旨酌議亦照前賞賜外再豫備步射騎射花馬箭
放鳥鎗騎射跑解舞籐牌官員兵丁等亦照
此賞賜內有演陣而又預備各樣技藝官五
員兵二名臣等酌量議增於伊等演陣之列
賞賜等項外增賞官員貂皮各一張兵丁銀
獎武牌各一面謹將應賞大臣官員兵丁人
數與物件數目另繕漢字清單一併進
呈俟

命下之日所賞貂皮緞疋金銀獎武牌赴廣儲司
支領賞給爲此謹

奏乾隆十六年三月十二日奉
旨依議欽此

行在兵部謹

奏爲奏

聞事明日江寧駐防滿兵及綠旗營兵合操所有
一切應行預備之處應交各該處俱照上次
預備外請酌量伊等預備停畢時先往操演
一次謹備

皇上閱看爲此謹將陣圖并官兵數目一并進
呈等因於乾隆十六年三月二十四日
奏奉

旨知道了欽此

大學士公臣傅恒等謹

奏遵

旨賞賚江寧省演陣大臣官兵酌議亦照賞給浙
江省演陣大臣官員兵丁之例將軍總督以
下防禦守備以上等官分別賞給緞疋驍騎
校滿洲兵丁賞給一月錢糧千總把總外委
把總綠旗兵丁賞給獎武銀牌今將應賞大
臣官員兵丁及物件數目另繕漢字清單謹
呈俟

命下之日賞給驍騎校兵丁一月錢糧著該將軍
飭行藩司支給外其賞給大臣官員緞疋及
綠旗千把總兵丁獎武牌著在廣儲司支領
賞給等因於乾隆十六年三月二十六日

題奉

旨著照所議賞給欽此

護理鎮海將軍印務京口副都統臣伊林阿

謹

奏爲請

旨事臣等查得乾隆十六年

聖駕南巡前任將軍趙宏恩奏請帶領官兵二百
名前往宿遷縣地方恭迎

聖駕一摺經軍機處大臣等以京口至宿遷路途
不遠而又係江南境內請照該將軍所請准
其帶領官兵二百名至宿遷縣地方恭迎

南巡盛典 卷八十五
聖駕等因議覆准行在案今將軍李紱尚未到任
俟到任時遵照前例帶領官兵二百名前往
宿遷縣地方恭迎

聖駕日則敬謹隨行夜則守更巡邏倘將軍李紱
未及到任臣等伏乞

皇上施恩卽准臣等帶領官兵迎接再查乾隆十
六年

聖駕南巡前任將軍趙宏恩奏請安臺一摺經軍
機處大臣等議覆准行欽遵自瓜洲起至清
江浦止安設十臺於龍潭地方江寧京口合
設一臺在案明歲

聖駕南巡臣等請亦照前例自瓜洲起至清江浦
止安設十臺於龍潭地方江寧京口合設一
臺是否允協俟

命下之日臣等欽遵辦理謹
奏請

旨乾隆二十年十一月二十六日奉到清字
硃批安臺照前兵丁不必來接欽此

奏為請

江寧將軍臣德敏謹

旨事恭照乾隆十六年

聖主南巡經前任將軍保德等

奏准請帶領官兵接

駕一事據總理行營王大臣等遵

旨議奏查得明春

聖駕南巡京城派出隨

駕官兵俱係酌量派定差使裕如

南巡盛典 卷八十五
駕至宿遷地方必由舟行兩岸路窄隨從當差無
關緊要之人等尚且存住若以該將軍所請
帶領官兵六百名接

駕人數過多沿途駐宿行走一切地方必至擁阻
似無需若許人等但該處官兵聞

聖主親臨公同欣躍各願舒電勉當差之誠若不
令前來則該處官兵幸際

聖駕親臨南巡而不得電勉盡力殊屬不安臣等
酌議交與將軍將江寧駐防官兵內挑取二

百名前至宿遷地方接

駕沿途照木蘭學習行圍人等之例交與護軍統
領等日則與護軍人等當差夜則支更至省
城內存下官兵尚多必須有大員管束況

聖駕至江寧省副都統等亦得瞻仰

聖顏所有宿遷前來接

駕之處應只令該將軍保德帶領官兵前來其副
都統祁爾丹富昌等不必前來等因具奏奉

旨依議欽此欽遵移行遵照在案明春

聖駕南巡臣等派官十六員兵二百名臣德敏帶領前至宿遷地方接

駕

駕至宿遷地方必由舟行臣德敏所帶領官兵仍

照定例交與護軍統領等與護軍等一同支

更當差再辦理江寧馬匹總督尹繼善

奏准派副都統一員辦理臣等請將副都統富

昌帶領江寧八旗馬匹在京口地方預備

聖駕未至京口之前富昌過江恭請

聖安副都統佟明存住守城暫理將軍印務約束
官兵

聖駕未至江寧之前佟明在龍潭地方恭請

聖安爲此謹

奏請

旨乾隆二十一年十一月初十日奉

硃批知道了欽此

奏爲奏

江寧將軍

臣

德敏謹

聞事恭照乾隆十六年

聖主南巡派出官兵沿河坐臺一事准軍機處議
奏咨送前來十六年

聖駕南巡江寧官兵沿河京口起至平望地方安
設十臺每臺官一員兵十名派協領二員統
轄京口官兵自京口起至清江浦地方安設
十臺每臺官一員兵十名派協領二員統轄

南巡盛典 卷八十五 三十一
龍潭地方江寧京口官兵合設一臺每處官
一員兵五名等因

奏准遵行在案明春

聖駕南巡臣等請仍照十六年定例派出官兵沿
河坐臺預備一切差使爲此謹具

奏

聞請

旨乾隆二十一年十一月初十日奉

硃批知道了欽此

杭州將軍臣

薩爾哈岱

閩浙總督臣

喀爾吉

善浙江巡撫臣

楊廷璋

浙江提督臣

武進陞

等謹

奏爲請

旨事竊照浙江滿營綠營各官兵馬步技勇自乾

隆十六年荷蒙

皇上恩賜校閱迄今五載恭逢

翠華重幸將士歡騰臣

等謹於杭州省城滿營教

場預備滿營操陣綠營操陣并照上屆預備

滿綠二營合操陣式伏候

皇上訓示應閱何項屆期祇候恭請

大閱爲此具

奏請

旨謹

奏乾隆二十二年二月二十六日奉

旨滿漢合操欽此

大學士公臣傅恒謹

奏遵

旨賞賜浙省合操大臣官員兵丁之處查十六年
皇上賞賜浙省大臣官員兵丁自將軍總督以下
防禦等官以上俱經分別賞給緞疋驍騎校
兵丁俱經賞給一月錢糧其千把外委綠營
兵丁賞給獎武銀牌今此次浙省合操大臣
官員兵丁俱照十六年賞過例賞給再

皇上前步射騎射對撲馬上打鎗官兵應入於合

南巡盛典 卷八十五
操官兵一體賞給所有應賞之合操等項大臣官員兵丁數目所賞之緞疋錢糧銀牌數目另開漢字單一併進

呈俟

命下之日其賞給驍騎校及滿兵之一月錢糧亦照前交於

行在戶部將兩淮鹽項銀庫內動支賞給除應賞之緞疋銀牌由廣儲司支領賞給外是日舞籐牌之浙江福建省分綠營官兵前蒙

皇上親閱時已經蒙

恩賞過此次應毋庸賞給爲此謹

奏請

旨乾隆二十二年二月二十九日奉

旨著照所議賞欽此

奏爲遵

大學士公臣傅恒等謹

旨賞給江寧省演陣大臣官員兵丁事查十六年
賞給江寧省演陣將軍總督以下防禦以上
大臣官員等俱分別賞過緞疋驍騎校兵丁
俱賞過一月錢糧綠營兵丁賞過獎武銀牌
此次演陣江寧省大臣官員兵丁等俱照十
六年之例賞給再

御前射箭摺跤官兵亦照演陣官兵一體賞給其

摺跋滿洲兵丁有閒散二名未食錢糧之人
每人賞給銀牌一面所有應賞演陣之大臣
官兵等數目併賞給緞疋錢糧銀牌數目另
繕漢字清單一併謹

呈俟

命下之日遵行所有賞給緞疋銀牌在廣儲司支
領賞給驍騎校兵丁一月錢糧亦照上次交
行在戶部飭行布政司庫銀內動支賞給等因
於乾隆二十二年三月二十日

奏奉

旨著照所議賞給欽此

南巡盛典卷八十六

閱武

江寧京口將軍誠毅伯臣烏米泰等謹

奏為奏

聞事恭照乾隆十六年

聖主南巡派委官兵沿河設立臺站一事由軍機

處議覆咨開十六年

聖駕南巡江寧官兵沿河自京口至平望地方安

設十臺每站官一員兵十名派協領二員統

南巡盛典 卷八十六
轄京口官兵自京口起至清江浦地方安設
十臺每臺官一員兵十名派協領二員統轄
龍潭地方江寧京口合設一臺每處官一員
兵五名等因奏准十六年二十二年遵行辦
理在案明年

聖駕南巡臣等請照原奏定例揀選江寧京口官
兵坐臺預備一切差使外再查乾隆十六年
聖駕南巡經前任將軍保德等奏請帶領官兵接
駕一事緣總理行營王大臣等遵

旨議奏查得明春

聖駕南巡京城派出隨

駕官兵俱係酌量派定差使裕如

駕至宿遷地方必由舟行兩岸路窄隨從當差無
關緊要之人等尚且存住若以該將軍所請
帶領官兵六百名接

駕人數過多沿途駐蹕行走一切地方必致擁阻
似無須若許人等但該處官兵聞

聖主親臨公同忻躍俱得各舒黽勉當差之誠若

不令前來接

聖則該處官兵幸際

聖駕親臨南巡而不得黽勉盡力殊屬不安臣等

酌議定交與將軍保德等將江寧駐防官兵
內挑取二百名前至宿遷地方接

駕沿途照木蘭學習行圍人等當差之例交與護
軍統領等日則與護軍人等當差夜則支更
該處官兵甚多管束必須大員如

聖駕至江寧省副都統等亦得瞻仰

聖顏請安只令將軍保德帶領官兵前來俟

命下之日臣等行文該將軍遵行等因具奏奉

旨依議欽此十六年二十二年俱經遵照辦理在

案明春

聖駕南巡派官十六員兵二百名臣烏米泰帶領

前至宿遷地方接

駕臣烏米泰所帶領官兵仍照定例交與護軍統

領等與護軍等一同支更當差再辦理江寧
馬匹奏准副都統五十七辦理

聖駕未至京口之前五十七過江恭請

聖安副都統薩爾圖存住守城約束官兵

聖駕未至江寧之前薩爾圖在龍潭地方恭請

聖安至京口副都統鄂岱辦京口八旗馬匹事務

副都統馬瑞圖在城約束官兵

聖駕未至京口之前副都統二員過江恭請

聖安爲此謹

奏請

旨乾隆二十六年十一月十七日奉

上諭恭載於前

杭州將軍臣福祿閩浙總督臣楊廷璋浙江

巡撫臣莊有恭浙江提督臣王無黨謹

奏為請

旨事竊照浙江滿營綠營各官兵馬步技勇自乾

隆二十二年荷蒙

皇上幸浙

恩賜校閱後迄今又歷五載經臣等督飭將備勤

加訓練不時操演不敢稍有懈弛茲恭逢

鑾輅重臨將士歡騰踴躍急思獻技以展報効之

誠臣等謹於杭省城內滿營教場預備滿營操陣綠營操陣并照前兩屆預備滿綠二營合操陣式伏候

皇上訓示應閱何項屆期祇候恭請

大閱再閱省籐牌兵及浙閩二省挑取之各種雜技兵丁一并帶齊恭候
聖覽合併陳明爲此具

奏請

旨乾隆二十七年三月初一日奉

旨著預備滿漢合操欽此

閩浙總督臣楊廷璋謹

奏臣自福建帶來籐牌兵八隊共計二百二十
二名硬弓兵十名馬上三鎗兵十名擬於初
五日在滿營教場於滿漢合操之後恭備

簡閱理合奏明謹

奏乾隆二十七年三月初四日奉

旨知道了欽此

閩浙總督臣楊廷璋謹

奏臣於閩省水兵內挑有泅水兵數十名扒梳
兵數名委官管帶來浙於錢塘江演試習練
敬備

御閱先經恭摺

奏明原擬循照前屆於觀潮樓前預備詎今樓
下漲沙綿遠約二里有餘水兵於該處呈技
閱視恐未能親切今改於望江亭敬謹預備祇候
聖駕臨幸六和塔時令各兵分別演試恭請

聖覽謹

奏乾隆二十七年三月初四日奉

旨知道了欽此

大學士公臣傅恒等謹

奏遵

旨查上次賞賜浙省亮兵大小官員兵丁人等將
軍總督以下防禦以上綠營大小官員俱經
分別賞賜緞疋驍騎校兵丁俱各賞給一月
錢糧千把外委綠旗兵丁賞賜獎武牌上次
浙閩籐牌兵馬上鎗兵丁俱賞賜獎武牌帶
領此項兵丁官員分別賞賜緞疋金牌此次
閱操浙江滿營綠營大小官員兵丁再浙閩

籐牌兵馬上鎗兵丁並帶領此項兵丁官員
俱照上次賞賜鳥鎗兵中三鎗者五人每人
賞給銀牌二面中兩鎗者五人每人賞給銀
牌一面所有應賞大小官員職名兵丁數目
賞賜緞疋錢糧金牌銀牌數目另繕漢字單
一併進

呈俟

命下時所有賞給驍騎校滿兵一月錢糧銀兩交
行在戶部於兩淮鹽項銀兩內動用賞給所有

賞賜緞疋金牌從廣儲司支取賞給爲此謹

奏奉

旨莊有恭著照將軍總督例賞賜餘依議欽此

大學士公臣傅恒等謹
奏爲遵

旨賞給江寧省演陣大臣官員兵丁事查得上屆
將軍總督以下防禦以上大臣官員等俱分
晰賞過緞疋驍騎校兵丁俱賞過一月錢糧
綠營兵丁賞過獎武銀牌此次演陣江寧省
大臣官員兵丁等俱照上屆之例賞給所有
演陣之大臣官兵等數目並賞給緞疋錢糧
銀牌數目另繕漢字清單一併謹

呈俟

命下之日遵行所有賞給緞疋銀牌在廣儲司支領外賞給驍騎校兵丁一月錢糧交戶部飭行布政司庫銀內動支賞給爲此謹

奏乾隆二十七年三月二十六日奉

旨著照所議賞給欽此

杭州將軍

臣

福祿閩浙總督

臣

蘇昌浙江巡

撫

臣

熊學鵬浙江提督

臣

武進陞謹

具

奏爲請

旨事竊照浙省滿營綠營各官兵馬步技勇自乾

隆二十七年荷蒙

聖主幸浙

恩賜校閱後迄今又歷三載經

臣

等督飭協領將

備等勤加訓練不時操演不敢稍任廢弛茲
恭逢

鑾輅重臨將士歡騰踴躍急思獻技以展報効之
誠臣等謹於杭州省城滿營教場預備滿兵
陣式綠旗兵陣式并照歷屆預備滿綠合操
陣式伏候

皇上訓示應閱何項屆期恭請

大閱再閱省籐牌兵及浙閩二省挑取之各項雜
技兵丁一并帶齊敬候

聖覽其乍浦水操一項先經前督臣楊廷璋具

奏欽奉

硃批不必預備欽此欽遵在案合併陳明臣等謹

具

奏請

旨謹

奏乾隆三十年二月二十四日奉

旨滿漢合操欽此

閩浙總督 臣 蘇昌謹

奏為預備閩省牌兵恭候

御閱事恭照歷屆

翠華南幸俱經前督臣將閩省籐牌兵挑選二百

餘名帶赴浙省仰荷

聖主恩准預備閱視各官兵叨蒙

恩賞榮幸非常至今感淪肌髓茲欣聞

聖主載舉時巡盛典各兵丁無不踴躍歡欣心殷

獻技爭趨恐後

臣 隨酌調漳泉二屬牌兵二

南巡盛典 卷八十六 閩武 十四
百餘名飭委將領備弁管帶來浙適漳州鎮
總兵任澍

奏蒙

恩准赴浙接

駕臣隨囑令將牌兵再加操演純熟配成隊伍於
省城滿營教場預備敬候

聖主大閱滿洲綠旗官兵後卽令牌兵演技恭備
聖覽再聞浙二省各營內有硬弓馬鎗跑解騙馬
各雜技兵丁亦各酌挑數名隨營伺候其聞

省泗水扒桅各兵亦照前在錢江預備祇候

聖駕臨幸觀潮樓以供

御覽理合一併

奏明伏乞

聖鑒謹

奏乾隆三十年二月二十四日奉

旨隨便欽此

旨事竊臣等會奏預備滿漢陸操一摺傳奉
 聖旨滿漢合操欽此臣等現在遵
 旨敬備滿漢合操陣式祇候
 聖駕臨幸滿營教場
 恩賜校閱其閩省之籐牌兵及馬上鎗各雜技兵
 丁一并帶齊伺候操演伏乞
 皇上示期

閩浙總督臣蘇昌謹

奏為請

旨事竊臣等會奏預備滿漢陸操一摺傳奉
 聖旨滿漢合操欽此臣等現在遵
 旨敬備滿漢合操陣式祇候
 聖駕臨幸滿營教場
 恩賜校閱其閩省之籐牌兵及馬上鎗各雜技兵
 丁一并帶齊伺候操演伏乞
 皇上示期

閱視施行謹

奏乾隆三十年閏二月初六日奉

旨照上屆欽此

閩浙總督臣蘇昌謹

奏爲奏明事竊臣於閩省水兵內挑選泗水兵
數十名扒桅兵數名委官管帶來浙於錢塘
江演試習練敬備

御閱先經恭摺

奏明在案伏查錢江觀潮樓前沙消水近各水
兵於該處呈技

閱視尚屬親切臣敬謹預備祇候

聖駕臨幸觀潮樓時令各兵分別演試恭請

聖覽理合

奏明伏乞

睿鑒謹

奏乾隆三十年閏二月初七日奉

旨 在觀潮樓閱看欽此

大學士公臣傅恒等謹

奏為遵

旨賞賜浙省合操大臣官員兵丁人等事查得上
 次賞賜浙省操兵之大臣官員兵丁人等自
 將軍總督以下防禦以上大臣官員及綠營
 大臣官員俱經分別賞給緞疋驍騎校兵等
 每賞一月錢糧綠營千總把總外委把總兵
 等賞給獎武銀牌浙閩舞牌馬上鎗之兵等
 俱經賞給獎武銀牌其領操官員分別賞給

南巡盛典 卷八十一
如
緞疋金銀牌每人銀牌二面中二鎗者加賞
銀牌一面在案今次除將合操之浙江滿洲
綠營大臣官員兵丁人等及浙閩舞牌馬上
鎗兵丁領操之官員等俱照上次賞賜外請
將鎗兵內中三鎗者二名每人加賞銀牌二
面中二鎗者四名每人加賞銀牌一面復查
十六年二十二年間浙江巡撫俱入於提督
副都統等次內賞賜於二十七年間奉

旨莊有恭著照將軍總督一體賞賜在案今次熊
學鵬或照提督副都統一體賞賜或照將軍
總督一體賞賜之處伏候

諭旨指示敬謹遵行合將應賞大臣官員職名兵
丁數目賞賜緞疋錢糧金銀牌面數目另繕
清單敬呈

御覽俟

命下之日請將賞給驍騎校兵丁銀兩交

行在戶部於兩淮鹽課內動支賞給所賞緞疋
金銀牌面於廣儲司支取賞給爲此謹、

奏乾隆三十年閏二月初十日奉

旨熊學鵬著照將軍總督賞賜餘照所奏賞給欽

此

大學士公臣傅恒等謹

奏遵

旨查賞江寧合操大臣官員兵丁上屆自總督以
下至守備等官以上大臣官員俱經分別賞
給緞疋驍騎校領催兵丁賞給一月錢糧綠
旗兵丁賞給獎武銀牌在案此次合操江寧
省城大臣官員兵丁請俱照上屆賞給並將
應賞之大臣官員兵丁數目及放賞之緞疋
錢糧銀牌數目另繕漢字清單恭呈

御覽伏候

命下除所需放賞之緞疋銀牌由廣儲司領取賞
給外驍騎校滿洲兵丁所得應賞一月錢糧
交戶部動用藩司庫項賞給爲此謹

奏乾隆三十年三月初八日奉

旨照所奏賞給欽此

奏

大學士公

